



VOL. XIV. NO. 4.

NOVEMBER 15, 1909.

50 cents a year.

Published Monthly at St. Michaels, Fort Totten, P. O., N. Dakota.
ENTERED AS SECOND CLASS MATTER AT THE POST-OFFICE AT FORT TOTTEN, N. DAK.

AGUYAPISU SUKAZA
WANJINA.

A guyapisu sukaza wanjina maka mahen erpeyapi, eca hehan kuka qa camni uya qa hehan to-yena hu uya wanonyakapi ecee. Hehan wankantanhan wi on iyo-kata qa makatanhan is acu kin on sanpa sua icaga ecce. Hehan natu qa is pa kin icaga qa ecen mazaskazi iyecegi ecee. Qa etahan wikcemna-yannimni is wikcemna-sakpekpe, is opawinge icage ecee. Wanikiya eya: Dena owasin token icage kin oyakarniga he? Sukaza wanji egesoyakarniga he? Hiya, hiya! Tuka hececa esta owasin iyonicipi, owasin on Wakantanka on datan. Iye on heyapi. "Marpiyaoxinyanpi kin owasin taku yutapi wicaqu, qa taku owasin wicaqu."

Tuka de oyakarnige sri. Wonarbe! wonarbe! hececa esta wicayada. Dena decen oniciyakapi esta ceturayahda sri. "Wanna iye hantu hehan dodopiye ojuakiyapi, woksape kin tanka rinca nakaes." Unkina hehe kta: "Owakarnige sri," tka de egescin heypica, qa de e heypica sri: "Okihipica sri," ecin onman eciyatohanhan kin ecen oniciyaka nakaes.

Hecen ito, aguyapisu eciyatohanwoyake kin de onkopapi iyececa. Aguyapisu kin ha etahan kašdayapi, hehan yukpanpi, hehan yucanpi, hehan pažinzapi, qa peta en ayapi qa španyanpi, qa onytapi qa imnaonyanpi. Aguyapi kin de Ateonyanpi marpiya ekta yanke kin anpetu oto-

iyohi unkidapi kta Wanikiya on-speonkiyapi "Panem nostrum quotidianum da nobis hodie; agu-yapi de waniyetu wicemnatom hehanyan wata, niyepi apa kapeya ecanonpi, esta econyaka-pippi sri—hetukaeš en nakun wonarbe yukan! Aguyapisu su-kaza kin de en wonarbe tonake-

ca he?" Wanna waniyetu kektopawin-ge šakpe hehanyan oyate kin de on wiyuskinpi ecee. Tuka hehan hena tokenken hecetu kin okarnigapi sri. Tohan Wakantanka wawiyopeye kta eca wawicage ſriyan ecee, qa maka akan wicas-ta tuwena he piye kta wowaša-ke yuhe sri. Joseph ksape kin Egypt makoce en dodopiye owa-sin wawicage kin econhan owa-mnaye, tuka wawicage sri kin he-han su sukaza wanjica kaeš maka kin etahan icarya okihi sri. He Wakantanka wonarbe tawa-kin ee. Wonarbe, aguyapi maka owancaya on wicani kin he wonarbe.

Wiconi kin, wicoie kin hee, qa he onkokarnigapi kta, aguyapisu kin icaga qa sanpa ota icaga aya, qa wonarbe kin he yuha icaga. Aguyapisu kin he tohan aguyapi mdū icaga eca onytapi, qa hena tanmahen iyopta qa nakun wote-hda ecee. Qa he tancan qa we

kaga, qa hena tankapi qa cistipina kin on icagapi. Wicarcapi kin hena on tancan wašakapi. Wicatanmahen qa akantanhan, wowaditake taku ewicatu kin he-na owasin oyakarniga he?

Aguyapisu wan maka mahen erpeyapi eca kuka qa hehan etahan wicas-ta waštepi qa wicahun-

ku asanpi kin wicowicage wana-kajatanhan qa dehanyan, naharin wanka. Aguyapisu kin he wi-cawe kaga. Wanikiya cistica kin heehan aguyapisu kin on tancan icaga, Joseph anpetu eca wicoran on kicamna kin icaga. Aguyapisu e Mary on tancan qa we kin icage qa etahan Jesus, Wanikiya kin tonpi. Aguyapisu e etahan aguyapi icaga qa on we ka-ge qa Mount Calvary etahan maka nikiye kta on we kin kada-zza; qa aguyapi kin he Wakantanka Cinhintku tancan qa we kin icaga. Waniyetu 1900 kape-ya heehan Jesus Iye nape kin on aguyapi kin icu qa wicoie wonarbe kin eya: "De mitancan kin ee—Hoc est corpus meum."

Hehan iho, wanna Yutapiwan-kan wonarbe kin ehanonhipi. Unkan aguyapisu token icage kin oyakarnige sri kin he anawi-cirbe sri, token etahan aguyapi icage qa token wicas-ta tancan kin en we kage kin, hececa esta hee kta: "Takuna akarpetonpi wacin sri, taku owasin owakaniga wacin. Ecamon sri kin han hena okihipi sri kepce kta, Taku wan owakarnige sri kin han, he tanyan ecan yapazo sri kin ee, qa wicoran de pazopi sri ecan Wakantanka towicake kin makata tanin.

NOVEMBER WI KIN.

MITAKODAPI, NIYEPI EQES
ONSIDA MIYE.

November wi kin econhan Catholics owasin woawacin de yuhapi. "Wicata cewicakiciyapi kin he wicoran waſte, hecen ecana

woartani etahan wicakiyuskapi kta." Omaka kin econhan ohini wicanagi kakijapi kin woceki-ye ewicaonkiciciyapi iyececa; tu-ka wi-kin ohnayan iyonan nonpa akihde wocekiye onkeyapi iyececa; ecin Church kin wi kin de ohna wicata wacewičakiciyapi kta hecetuda heon. Qa maka owancaya woyawatanka ota wo-cekiye om eha heon wašagya wo-cekiye eha. Wakantanka tona wicakaške kin hena onsiwicada qa ecana wicakiyuskapi kta iceki-yapi, hecen ecana iyoyanpa qa wookiye en onpi kta.

Hecen wicanagi wicakaškapi kin hena owicaonkiyapi onkokihipi kin he wowicake. Wacan-kiyapi woope kin, Wakantanka towaštedake kin, qa onkikiyena onpi kin wocekiye woope tokahuya kin ee. Unkitakodapi wi-canagi wicakaškapi en, onpi kin nina owicaonkiyapi kta cinpi. Iye oiciyapi kta tokenken ohihipi sri, qa wacinyeyapi sri. Onsi-iciye rcin owicaonkiyapi cinpi qa onkida yukanpi. "Onsimadaye, mitakodapi kin, miyeqe rcin, onsimadaye!"

Unkan, niyate, nihun, nicinje, nisunka, nitanke, nitanksi, naceca e ho uniciyapi. Tuwe rcin onkini cajeyad owiconkiyapi kta onkida yukan naceca. Unkitakodakupi kin hena timahen ide-šaša ebna aonatak yanka qa tiyopa iyordoke kin he onkiye onyu-hapi. Qa tiyopa iyurdoke kin he wocekiye eyapi kin ee. Heon etahan tapi kin on wocekiye eya po; hecen hena ecana woartani etahan wicakiyuskapi kta. Nitakodapi kin on Mass-wośnapi ewicakiciyapi kta cinpo.

SINASAPA WOCEKIYE TAEYANPAHA
www.libtool.com.cn

REV. JEROME HUNT, O. S. E.
PUBLISHER and PROPRIETOR.

FORT TOTTEN, :: NORTH DAKOTA.

NOVEMBER 15, 1909.

YUHOMNIPI.

OMAKA 1865 heehan Algerian akicita wan Paris otonwe kin en wayazankatipi wan en aipi. Arab koška waštēka. Tiwahe waštē etanhan iteka; wowapi yawa qa kaga okihi, eſta Šagdaša iapi takuna sdonye ſni. Hen i kin iyecana wayazanka wan ica-hda wanka, unkan ſinasapa wan en hi qa woecon wakan ecakicon. Šinasapa kin waecon kta woko-yake kičon qa nape ohna Yutapi wakan yuha qa hoksina qeya petijanjan ideya yuha om hi. Hecen taku econpi kin koška kin owasin amdes wanka. Šinasapa kin cankpeška makahde inajin qa cansusbeca aičicaga, qa woce-kiye eya; wicašta wayazanka wanke kin cansusbeca kin iipu-take qa ſinasapa taku eciye kin owasin anagoptanr wanka, qa Yutapiwakan icu, qa sda wakan icupi kin hena wanyaka. Taku-na wanyake ſni wanica. Hehan ſinasapa kin kinhda, eſta waya-zanke kin hehan ayuta wanka, hehan iyecana ta.

Hehan iyotan sanpa waawacincra qa ija cansusbeca aičicaga: nape yusakim hduze qa cansusbeca wan otke kin ekta etonwe qa pakapsan, wowaštē kin cante iyorpaye rca, e sdonkiye rca. Pejhutha wicašta qa winorca wakan ko en hipi qa okiyapi eſta itokeca ſni. Winorca wakan kin wanji cansusbeca napin wanyaka unkan en yuze qa iputaka qa yus on hecen winorca wakan kin cansusbeca kin ikikcu qa qu, qa san-pa nina ſkan. "Marabout! Marabout!" eya. He Arabian iapi ohna, Arabian wicašta wakan eyapi. Hecen Arabian wicašta wakan wan kicopi qa iyecana hi, tuka wicada ſni, "Macach Marabout!"—wicašta wakan waštē ſni eya, qa ake heyā: "Marabout sidnah Issah!" (Jesus Itancan ſinasapa tawa wanji,) eya. Šinasapa wanjin e okarnigapi, hecen ſinasapa wan kicopi qa en hi.

Šinasapa wan hi unkan nina iyuškin. Isto yekiye qa nape en yuze qa nape kin iiputake, qa nape kin pa en aya, hehan mini-

akaštanpi cin e okarnigapi. Sid-nah Issah eye kin he ohinni eya. Hehan ſinasapa kin inarni ſkan, qa miniakaštan. Wowakan koška kin iyoyake kin ecen oyag-pica ſni. Kakije qa yuyadgan ſkan qon owasin ayuštan, arba-yena wanka. Wicašta wan wa-kansica tanmahan on qa Jesus oyutan kin iyecen wanka. Hehan wopida eciye kin eſta kin eciyatohan okitanin, qa cansusbeca wan tanka yuha unkan icu qa maka kin ounpan ehnake qa ſina pamahen iwanka, qa iſtinma cin kin ecetu kta cinpi qa kin-hdapi.

Oape wanji ohakam ſkanškan ſni wanke e winorca wakan kin wanyaka hecen en hi unkan nagi kin wanna Wakantanka qu, ta. Hehan iyahdeya cansusbeca kin iiputak wanka, qa Mari witanſna-on maza wanapin wan qupi qon he napohna yus wanka. Oape wan on Algerian wan wowitan wowaštē wiconi oihanke wanica wan en tonpi qon ija iyecen iyaya.

DAKOTA WAŠTE KIN CITIZEN WAŠTE HECAPI KTA TUNKANŠILA WICAKAONZPE.

Washington, D. C., Oct. 17. Omaka otoiyohi tunkansinayanpi Dakota siceca waonspepi kta on mazaska woyawa tanka yamni sanpa yamni kicaspapi wanji ecee awicayusota. Osipayetonton awanwicayake ſni tuka makoce yušpušpu wicaqu qa yaabebeya yankapi, hecen awanyakapi onspepi kta on. Dakota wan makoce kin kicanyan kta onspe ſni eca onspekiya ecee. Wayazanka qa makoce kin ortani okihi ſni eca waſicu owicaqu ecee, tuka tunkansina woiyowinkiye tawa on econ.

Dakota kin makoce owicaqu ecee kin on kuja ehantanhans makoce owicaqu kta iyowinkiyē ſni. Dakota kektopawinge ota wicoran tawapi napihduzapi qa tanyan iyopte ičiyapi okihipi. Wicašta ſa kin sanpa ihduwaste ayapi wovicada, hecen tokata anpetu wan en tuwena owicakiye ſni eſta iyopte ičiyapi kta okihipi wovicada. Ikcewicašta awan yaka Leupp, waniyetu ota ſni ecen Ikcewicašta awanyanka wanice kta ce, eya.

De hecetu kte kin he tonana ayapi ee ſni, tuka ees sanpa ota ayapi. Tunkansina tamaka kin en Ikcewicašta kin kektopawinge opowinge yamni (300,000) onpi qa omaka otoiyohi (2,000) kektopawinge nonpa icagapi.

DAKOTA KIN CITIZEN HE-CAPÍ KIN IŠICAPÍ KTA.

Nebraska makobašbe en omaha onpi kin citizen heca wicakagapi kta ſkanpi. Tuka dehan tunkan ſina tawa wicaya qa makoce ko awanwicakiciyaka.

Citizen wicakagapi kinhan makoce tawapi kin yušpušpupi kta, okihipica kinhan iyecana maka tawapi kin dote mahen iyeyapi kta, qa Nebraska makobašpe kin warpanica ota wicayuhe kiyapi kta.

Tunkansina okihe Ballinger, wicašta etanhan wicacin, dakota kin dena woyuhu tawapi kin napihduzapi kta okihipica hecinhan iwanayakapi cin.

ŠUNKA WAN WOWAPI TOKŠU.

Tunkansina Tamaka kin en tunkansina wowapi tokšupi kin eſta wanji tokcake. Kansas makoce en otonwe Dayton eciyapi kin hen ſunka wan wowapi tokšu. Anpetu wanji nonpa remani hi eca hena ekta i qa yuha kin mazopiye tawa ekta wowapi ahdi ecee.

Tohan remani u qa hoten eca, "Nep", St. Bernard ſunka beca wapapa qa hecehnana remani oipawega kin ekta iyaye ecee. Hemani en wowapi oyujuju awanyake wowapi ojuha kin tankan hinrepeya eca hdakinyan yape qa mazopiye ekta ahdi ecee.

Anpetu owasin maſte qa magaju eſta owasin iakiyecen hecon yanka ecee. Hecen remani en wowapi awanyake kin akita ecee, qa otonwe en wicašta onpi kin siceca kṣapa iwinktapi kin iyecen ſunka kin de on itanpi.

Nep waniyetu topa, sihaiyutapi nom sanpa napahunka ſakowin wakantuya, qa tkeutapi opawinge nom sam wikcemna nonpa.

Wowapi yuha kin tuktekten tkeutapi opawinge ecee eſta tanyan yuha okihi. Hemani en ſkanpi kin kiksuyapi qa woyute waštēte kiyuhapi qa qupi kes tohinni en etonwan ſni, to en to-kaheya wowapi kin akierpeye qa hehan ekta ai qa hduta ecee.

WHITE RIVER, Oct. 23, 1909.

Pahacan wekna etan Eyanpaha Kola,

Toweni wowapi on tuku yaotanin ciši ſni tka lehanl tuku iwahociyapi kta. Tona ſinasapa el wowicala luhapi kin

hena ſinza najin po; na tona Eyanpaha el tuku oyaklakapi he-na wanjikji nihinrpayapi wanci-yakapi heon lecel ecanonpi kta.

Winyan nitawapi kin hena na nicincapi kin tokata niyapi kta heci woonspe owotanla kin he onnispepi ehantanns okna onspe-wicakiyapo; lena ee. Mniwakan na kansu kutepi na waſicun wa-cipi na ikce lakota wacipi, oturanpi he na wowapi wakan na woope wikcemna on awaniklaka po. Toki tehanl yaonpi eſa Wakantanka kici nionpi heon, na lena wicoran kin owasin ecanonpi eſa on woimna kṣapa ičilapi ſni po.

Wakantanka on wo-waſi ecanonpi ehantans tokſa Iye owasin slolya heon. Na Catechists yaonpi kin wocekiye wowaštē kin na wowapi wakan tokel owapi kin tanyan onspewicakiyapo. Na wicoran nitawapi kin ſinza yuzapo; na St. Joseph na St. Mary oitancanpi hena om ičiiyaklaska najin po; wocekiye kin el wowitan okna econpi ſni po. Tuwa maka akanl ninagipi niye kta oniciyakapi he wowapi wakan el on heon wicašta ikceka onpi kin ewasin ničiye wacinpo. Ho hecetu na bloketu kin Tan-snaonwakpa el congress kte cij he owotanla laotaninpi waštē, Tan-snaon Wakpa en onpi waka. Ho hecetu ijehan anpetu owasin kul iklawa onpo.

Owasin nape ciyuzapi.

IVAN A. N. WATER.

Catechist.

CHEYENNE AGENCY, S. D.

Oct. 26, 1909.

Tona Eyanpaha lawapi kin. Mitakuyepi.

22 hena heceela Tan-snaon Wakpala St. Mary omni-ciye opapi. Takomni omnikiye kin le hekta October wi etanhan \$168.60 kamna na hecel yusota: Wayazanka owicakiyapi \$66.85 Tipiwakan okiyapi 67 50 Bishop okiyapi 9 50 Omakiyapi 4 00

Wicarapi el maka qapi kajujupi 3 00 Omniciye taeyapaha, Mato Sapa, kicicajujupi 2 75 Ogle-sapa olota 5 00 Kangi-wakuwa olota 19 00 Yuwitayapi \$168.60

Hekta wi akenonpa Cannonpa Makigle tawicu itancan, Sam Charger tawicu wokagege awanyaka, na Mato-sapa tawicu wamnaya. Wokagege awanyaka lila wowaſi ota econpe lo.

Iyuha nape ciyuzapelo. JOHN ZITKALA CIQALA.

CROW HILL,
FT. TOTTEN, N. D. Oct. 10, 1909.

St. Joseph okodakiciye apiya-
pi qa dena itancanpi.

Bernard Twohearts itancan.
John Twohearts wiyokihena aya.
Luke Big Track mazaska awan.
John Sherman wowapi kaga.
Joseph Tawacinhomni qa John
Strait wayazanka awanyakapi.
Eugene Elk qa William Oye wi-
carapi awanyakapi.
David Cekpa tiyopa awanyaka.
John Sherman dowan itancan.
John Strait Bible History yawa.
St. Mary Okodakiciye Itancanpi.

Crow Hill, Oct. 10, 1909.

Adela Iwankena itancan.

Sapewin wiyokihena aya.
Martha Twohearts mazaska awan
Mrs. Mary Rose Irish wowapi
kaga. Daisy High Elk wokage-
ge awanyaka. Mary Ann Young
wayazanka awanyaka.
Taninyankewin tiyopa awan'ka.

Mrs Mary Twohearts dowan
itancan.

LOWER BRULE A'cy, S. D.

Sept. 29, 1009.

Mitakolapi.

Ito le anpetu kin miye
tiwahe mitawa en taku awakipa
kin hena wakluotanin kta wacin.
Ho lecetu. Micinca wikoška non-
papi, yunkan umnan tokapa kin
he lecalo mokiše lo; yunkan taku
econ, na eye cin, hena wakluo-
tanin kta wacin. Micunkší, Eve
Goodroad tehan wayazan, wan-
yetu šaklogan wayazan. Yunkan
le anpetu kin en wanna anpetu
tawa kin ihunikiya, na lehanl
Wakantanka kici iyuškin ecanmi
yelo. September 3, anpetu kin
en wicoka sanpa wihiyayela ya-
mni kin ostan te lo. Yunkan ti-
wahe kin tima wihiyayela tanka
kin heca nom tima hecun; hena
nupin owanjila inajin. Tuweni
hena inajinkiyé s̄ni tka hececa.
Na hehan hanhepi num tiwahe
okna ahankiktpi kin he icunhan
marpiya kin ekta peta iyoyanpa
tanin, topa akikle tanin. Hanhe-
pi nonpa kin kinukan hececa na
hehan September 5, hinhan
wicoka itokam wihiyayela 10 en
sinasapa tipiawan kin e tima
iyunke na hetan wicarapi mak-
ce en aipi; hehan ra yuštanpi na
hanhepi kin he nakun mitakuye-
pi taku tokeca wan tanin; wica-
rapi kin etan petá iyoyanpa wan
tanin wakankli iyoyanpa iyece-
ca, nunpa akikle hececa. Ho
mitakuyepi, micunkší unsika ma-
kiše cin ecunhan lena lecetu, na-

kun wi hinape kin itokam tipi
tawa kin he nakun ile kin etan
iyoyanpa watanin. Ho mitaku-
yepi, lena wovicake. Iho mi-
cunkší wayazan kin slonkiya can-
ke ohinni Yutapiwakan icu qa
oklakapi econ ecena hehan t̄in
kta yunkan slonkiya, lecel eya:
“Ina, wanna owakihi s̄ni ye, te-
cirila, ihacikta, tka wanna owa-
kihi s̄niye, ca wicasawakan kin
inarni wanblakin na taku ecamon
kta wacin kin hena mikluštan
wacinye, na cantewaštēya ibla-
mni kte. Ina, iblable cin hehan
iria temayarila qeyas, ina iwaštē-
la ceya; ina tokša nišeya waya-
zan yaun ca, ecanna yau kte.
Ina, tokša miyeš heci tanyan
waon kte na taku wan iwahoci-
ciyapi kte iblable kinhan toke
token mata hecin ina nišeya iye-
canna nišapini ecanni kte, nakun
mata kecanniqeyas token yaunpi
slolya waun kte na hehan akšaka
lakota wicoran kin iniyutapi ina
qeyas tonkin oyakihipi qes ecan-
nun kte” Iho mitakuyeyi, mi-
cunkší lena eyin na oklakapiwa-
kan econ na tanyan Yutapiwakan
icu na ayuštan na heya: “Iho,

wanna mni kta ſka wicoran kin
lena awakipe; cantewaštēya mni
kte ina, hena hecen eyin na
ihinhanní wicoka sanpa wihiy-
yela yamni kin ostan micunkší
iyaye lo; iwaštela iſtinma iyunka
iyecen iyayelo. Iho heon mita-
kuyepi, micunkší Eve toki tan-
yan un kta ecin wocekiye eyeci-
yapi kta wacin. Cantewaštēya
nape ciyuzapi. Nitakolapi

JAMES GOODROAD.

Wanji waklušna. Woiye eye
cin wanji lecen eya. Le maṭe kte
qeyas ekta ewacanmi canna can-
temawaštē na lila inawarni ye;
maṭin kta kowakipe s̄ni. Token
iblable cin ecen econ wacinpi,
ina, ohinni Yutapiwakan iyacupi
na wowartani oklakapi econpi,
ina le wocekiye okna iblamni kte.

Allen, Corn Creek, S. D.

Oct. 1909.

Eyanpaha.

Hekta Feb. 7, 1909 he-
han Corn Creek el St. Joseph na
St. Mary okolakiciye teca wanji
icagapi na lena oitancanpi.

Zouie itancan.

Lizzie Brown okihe.
Julia White Crow wowapi kaga.
Lizzie Brown mazaska awan'ka.
Lucy Brokenleg iyapi awan'ka.
Susie Redhorn tiyopa awan'ka.
Julia Whitecrow wokagege yuha.
Ho lena St. Mary's kin Chris-

tian winyan hecapi on wicakeya
tohanyan nipi hehan maka akan
Wakantanka wowaši ecakiconpi
kta cinpi na on omniciye waštē
kagapi. Na tancan kiconya el
škanpi na lila icante mawaštēye.
Tona St. Mary's Oglala oyanke
el yaonpi kin iyuha lecerin ya-
škanpi ni ecanmiye. Mitakuyepi
St. Mary's Oglala oyanke el ya-
onpi qon iyuha toki ilalapi he?
Tohinni Eyanpaha el wowapi, ya-
kagapi s̄niye. Pa yuwankalicupi
na okšankšan etonwanpiye, na
tokatakiya wiyükcanpiye. Wi-
coni onma eyapi kin he tokiya
ka kapi hecin he kiksuyapi ye,
na wicakeya nicantepi on St.
Mary henicapi kta iyececa ye.
St. Mary winyan warwala na
waštē heca iyececa caje wan on
St. Marys onkakiciyapi kin he
ohinniyan onkluonihanpi kta na
ceonkiyapi kta toka ſha Wakantanka
hunku oonkiyapi kta, wi-
cakaya ceonkiyapi kin, taku on-
lapi kin onqupi kta. Wicoie wan-
ji wowapi wakan el onkiksuyapi
kta iyececa. Wankantanhan on-
po na ikluiwyeyapo; Itancan ni-
tawapi tohan u kte cin slolyayapi
s̄ni. Wicoie kin le tokel ka he?
onkecipi kte; maka akanl nion-
qonpi kin econban wicakeya wo-
cekiye el oonpapi kta na wicoran
wakan tonakeca qon hena iyuha
wicakeya onkicupi na oncantepi
on wacekiyayi el onyanpi kin he
waktahan na ikluiwyeyaya onqonpi
kte na anpetu wan el Itancan kin
he kici iyuškiyan wiconi omman
el onkipi kte. St. Marys maka
owancaya yaonpi kin bliheciya-
piye, na wowapi wakan taku ka-
pi okarniga wacinpiye. Na wa-
wiutanye ſica kin kipajinpiye;
maka akanl nionqonpi kin le pte-
cela, wapepeka akna iyotiyekiya
St. Marys Oglala oyanke el on-
qonpi kin, wowaši econqonpi eſa
ecin nahanrcin taku wawiyutan
ye lila ota kin on. St. Marys te-
riya ocekiye onškanpi. hecel wo-
cekiye onyeksuyapi waštē ye.
Ho hecece eſa wicakeya oncan-
tepi on omniciye teca wanji on-
kagapi; Corn Creek el iyeceya
wicasa na winyan wacinyepica
na tiwahe waštē hecapi iyuha na
womnaye na wakagegepi na taku
ka eyaš el tanyan škanpi na on
toka letanhan tokatakiya Wa-
kantanka oonkiyapi na wookiye
onqupi ni ecanmi wocekiye epin
omniciye waštē onyuhapi kin on
isam lila piwala. St. Marys iklui-
wicake eya Pine Ridge el yaonpi
kon toki ilalapi he? taku ca on ciyuzapi.

nikluicakapi he sam onspeonya-
kiyapi kin waštē tka ye. St.
Marys waktahan onpi na iklui-
wicakeya onpi na nicante on wicake-
ya ocekiye na omniciye el yapi
ye. Na nicantepi on waceyaki-
yapi kin wookiye lužapi kte.
Ohinniyan ninagipi woqupi ye,
ecin wihiyaye na mazaškanšan
oape tuktel ontapi kte cin slolon-
yanpi s̄ni, onnagipi wipiyao kin
tohanl iyeantu kin iyuškin wi-
coni onma el Jesus ite kin wan-
onklakapi kta. St. Marys nicin-
capi wocekiye el taku waštē on-
spewicakiyapi kta; he iyotan wa-
štē heca, na St. Marys iyuha ti-
wahe wanjila iyececa cante kiciyu-
zapiye, na onškicilapi na okici-
yapi ye. Na taku ſica wawiyu-
tanye wanji el onku kin Maria
ceonkiyapi kin oonkiyapi kta.
Nakun St. Marys winyan waštē
wanjigji wanna wiconi onma ekta
onyan onkiyayapi kin hena na-
kun wocekiye on ohinniyan wi-
cunksuyapi kta iyececa ye. Miš
hena ohinniyan wocekiye on wi-
caweksuya na niš iyececa ecan-
pi ni ecanmi. St. Marys wanji-
gji Eyanpaha el woklakapi na
na iyuha blawa na wicoie wan-
jigji on woonspe iwalu na lila he
piwala reñ on lehanl iyuškin
Eyanpaha el wowakiaka na ican-
temawaštē ye. Nakun wicaša
wakan, priest wicunyuhapi kin
hena wicunkluonihanpi na ana-
wicungoptanpi kta, hena taku
waštē ecela wiconi ptecela kin le
okiya naonjinpi wicoie wanjini
tohinni ſica ca okiyakapi s̄ni na
iyuha he slolunyanpi. Henala
epin kta; Iyuha nape ciyuzapi.

JULIA WHITE CROW.

MINIAWICAKASTANPI.

Fort Totten.

Rosa, Sept 24, hehan tonpi,
Louis Belgard qa Celina Cadotte
cunwintkupi.

Oct. 21, Martha, Oct. 8 hehan
tonpi, Thomas Jones qa Maggie
Grant cunwintkupi.

Oct. 24, Moses, Oct. 3 hehan
tonpi, Joseph Mazakahomni qa
Margaret Kirawin cincapi.

Oct 31, Maggie, Oct. 12 hehan
tonpi, Thomas Owlboy qa Mary
Jane Ironcloud cunwintkupi.

Nov. 1, Andrew, Aug. 8 hehan
tonpi, William Tašunkewakantu
qa Nancy Thomas cincapi.

Nov. 9, John, Nov. 6 hehan
tonpi, Alfred qa Rosa Duboise
cincapi.

Oct. 31, Joe Irish qa Laura
Winona (Mrs. Thomas) wakanki-
gon toki ilalapi he? taku ca on ciyuzapi.

MANDERSON, S. D.
Oct. 18, 1909.

Eyanpaha.

Taku wanji tehan rcin awacin waon kin wanna lehanl iyeyawapaha kte, heon tuwe qe-yaś eyapaha iyapi kin he ilukcanpi kte lo. Ikcewicaśa wocekiye ounpapi kin hena tokel okihii Wakantanka ceonkiyapi waštaka tka econonkapinpi heon etanhan okodakiciye oyasin hunke śni; heciyatohan on onkitawakanjapi kin hena tokel waštapi kta hecin wicoran wanji etanhan waštapi kta iyececu kin he lee. Washington, D. C. etanhan wicaśawakan Ikcewicaśa awanwicayake kin, Father Ketcham eciyapi kin, omniciye wan tanka yuha na wicoran tanka rca el koyakya yuha heciyatohan on Ikcewicaśa wakanyeja wicononyuhapi kin hel opewicaonkiyapi kta iyececu. Hecela tokata wakanyeja wanji waštate icar onpi kte. Incin hel lila wocekiye tanka wicakicagapi kin heon etanhan tuweni otuyacin taku waštate icarya okihi śni na tuweni otuya cin tiwahe waštate yuha kta okihi śni. Incin tuktel Wakantanka oiyie kin yanke hantans ecela el taku waštate icaga okihi; heon etanhan mitakuyepi, nicincapi kin hel opewicayakiyapi kta iyececa. Omaka wanjica kin he 25c. on wocekiye tanka wicakicagapi kte lakaś onknahercin Wakantanka wowašake onqupi kta iyececa. Ho le mitakuyepi, iukcanpo; Ikcewicaśa ota nahancin kakijapi. Ho hecetu. Tona taku cinyapi on hena wocekiye wicoran on ciksuyapelo.

NICK W. BLACKELK.

LOWER BRULE, S. D.

Oct. 17, 1909.

Eyanpaha.

Wicoran wanji to laotanin ktelo. St. Joseph na St. Mary omniciye etan Oglala oyanke etan koška wan Silas Breast eciyapi na Kulwicaśa oyanke etan Sara Pretty Shield Ptanhawin henayos śinasapa el wakan-kiciyuzapi. Yunkan he wikoške kin waniyetu 30 henakeca iſnalā on. Yunkan Śinasapa wocekiye kin waſtelake, heon ablezina tiwahe wanji yuha kta awacin, le wocekiye etan okarnirya waecon keuncinpelo. Mitakola, St. Mary kin le iyukcan po; lehanl wikoška waniyetu 16 hehanyela hin-knatonpelo. Le wikoška kin wo-

cekiye kin el okarnige na on tiwahe kagin kta cin on lecel econ. Le tona wanlakapi kin piyečilapi ktelo; Wakantanka tiwahe qu kin heon oyate kin ataya iyuškinyan wolwicakiyelo. Wicasa tawa kin kici canlwasteya nape wicayuzapelo. Ho mitakolapi, St. Joseph omniciye qun he hecetu welo. Sept. 3, hehan St. Mary omniciye etan wikoška wan, Eva Good Road te. Wikoška kin wocekiye oknaye rcin ta; wicasawakan kin el hi na wocekiye taku iyuha econ. Iyes te kte kin oknayesa atkuku na hunku na tankaku kin ko wahokonwicakiya na wocekiye eciyatagan iyukcan na woiyuskin ojula iyaye, wowiyuskin tanka ekta mni kte, eye. Heckece wikoška kin eye, atkuku na hunku hena te kte sa toiyekin iyuškinpi na rtayetu numoyate kin iyuškinyan awanyakapi na ohunkie śni. tonakeca iyuha owicakiya. Wicarapi tawa kin wicasawakan kin yuonihanyan ecel eonpa; he St. Mary omniciye etanhan. Ho le ablezapo; te kte san woeye waštate eyin na te, he wowicake rcelo.

Oct. 16, hehan Henry na Anna Cetan-wabageya cincapi, wakan-yeja waštate wan telo. Hele hanhepi nub. St. Joseph na St. Mary tanyan awanyakapi na wicasawakan hina yuonihanyan eonpe.

Oyasin nape ciyuzapelo.
HENRY BADHORSE.

FARM SCHOOL,

Ft. Yates N. D. Oct. 11, 1909.

Okolakiciye okna le tapi.

April 28, Ben Tašunkemaza, waniyetu 20.

May 3, Magdalen Mary Major, waniyetu 1.

May 13, Jennie Silk, waniyetu 47.

May 28, Leo, John Rattling Hail cinca, May 19 hehan tonpi.

May 31, Stephen Cowboy, waniyetu 55.

June 15, Ed. Wakinyanska waniyetu 77.

June 29, Mary Laura D...., June 27 hehan tonpi.

July 8, Elizabeth Take-the Shield, Jan. 16, 1903 tonpi.

Aug. 11, Ida Tunkanahewin, waniyetu 96.

Aug. 27, Louisa Lefthand, Aug. 22, 1906 tonpi.

Aug. 31, Helen, George Rattling Hail cinca, June 15, tonpi.

Oct. 4, Mary Laura Yellowfat, May 25, tonpi.

Mitakuyepi, wicasa na winyan

na hoksicala lena St. Joseph na St. Mary okolakiciye yaonpi kin wocekiye ehapi kin wicayeksuapi wacin.

Farm School, Fort Yates, N. Dak. Oct. 10, 1909 hehan St. Joseph okolakiciye kin apicayapi na lena oitancan wicayuštanpi.

Leo Šunkatamahe itancan.

Francis Takukokipešni okihe.

M. Pacokam ayapi wowapi kaga.

Leo Tanyankte mazaska awan.

Is. Sinte-atinya iapi awanyaka.

Bede Wamanonpi wapaha yuha.

G. Matoluta tiyopa awanyaka.

Chas. Sr. Hemaza na wanbliwatakpe he kicica wahokonwicakiyapi hecapi.

Bede Manirpaya na D. Kangipa wayazanka awanyakapi.

N. Marpiyapeta na Zuyahanska wicarapi awanyakapi.

Leo Wanblikunza, P. Hunpoumaza, A. Wicayurpa na F. Mawazakanwicaki wikliklapi.

P. Tokaluta wicakico, V. Win-yankaluta he kicica.

St. Mary Okolakiciye Apiyapi Lena Wicayuštanpi.

Frances Naunkewin itancan.

Regina Karpewin okihe.

Agnes Tiyowaštewin wowapi kaga.

Lucy Wakankli mazaska awanyaka. Elizabeth Tašunkeeturpapiwin Wapaha yuha.

Mary Tacanonpa na Josephine Hintonkawin wayazanka awan.

Josephine Tašunkewaštewin wokagege awanyaka.

Annie Oyegiwin na Mary Huhuotawin wamnayanpi.

Claudia Zitkala tipopa awan'ka.

Teresa Wanyaninapewin, Sarah Winyanwaštate, Josephine Wiropa na Maggie Oweciyapi wikliklapi.

Lucy Herakawin, Sophie Anpetuluta, Frances Warpe na Mary Wazumazawin wohanpi.

St. Joseph na St. Mary okašpe yaonpi nayaronpi wacin, na wocekiye nitawapi el onyeksuyapi wacin.

GEORGE HAIRYCHIN.

Wocekiye Wicasa.

STANDING ROCK,

Okarmi Omnicie kin Oct. 17, apikiyapi na lena wi akenom Wakantanka el wowašin econpi kta wicayuštanpi.

Charles Asches itancan.

Louis Okah okihe.

Jacob Asches wowapi kaga.

Jim Ekna mazaska awanyaka.

Eugene Pteropecamato mazaska awanyaka.

Felix Tatankaheska wapaha yuha mani.

Jas Gičiya tiyopa awanyaka.

Frown Cekceka wayazan awan.

Lawrence Hoksila " "

Joe Claymore na Jim Skinner wikliklapi. Frank Martin na Thomas Martin wakpamnipi.

William Wartin na Felix Black Cloud wicarapi awanyakapi.

Jacob Asches wicakašla.

ST. MARY'S OITANCANPI.

Mrs Jennie Claymore itancan.

Louisa Tunkansapawin okihe.

Rose Asches wowapi kaga.

Matilda Hinzkleškawin mazaska awanyaka. Scholastika Wakapewin wapaha yuha.

Ruth Ptemaniw wokagege awanyaka. Scholastika Ojanjanwin wamnayan. Mrs Dora Asches tiyopa awanyaka.

Irene Ecayankewin na Loisa Kinapewin wayazan awan'kapi.

Josephine Cinpiwin na Clara Ojetopawin wakpamnipi.

Marg. Anpaohinapewin na Schoi Aknainyankele woranpi.

Ruth Asches tipiwakan awan'ka.

Schol. Wakapewin " "

Matilda Hinzkleškawin wicasa wakan awanyaka.

Lena wi akenom hehanyan Wakantanka el rtanipi kta wicayuštanpi. Tona Eyanpaha la-wapi kinhan wocekiye nitawapi kin el onyeksuyapi wacin ye.

MARY ROSE ASCHES.

CANNON BALL, N. D.

Oct. 17, 1909.

Eyanpaha.

Inyanwakagapi St Joseph okodakiciye oitancan piya wicakarnigapi October 17, qa dena itancanpi kin eepi.

George Ironroad itancan.

Valentine Strike-many okihe.

Claude K. Spotted wowapi kaga.

Redbow mazaska awanyaka.

George Conica dowan itancan.

Ed. Strike-many wapaha yuha.

Basil Twobears qa Joe Little Chief wayazanka awanyakapi.

Little Shield qa James Red dog wawahokonkiyapi.

Louis Goodiron qa Yellow-horse wicakicopi.

Andrew Ironroad tiyopa awan.

CLAUDE K. SPOTTED.

ST. MICHAEL'S, FORT TOTEN, N. D. Oct. 31, 1909.

Mazaska awanyaka wanjina.

John Lohnes \$.50

Michael Mead .50

Clement Lohnes .50

James Lohnes .50

Tunkanwakana .50

Joseph Matohi .25

\$2.75

JOSEPH MATOH

Trustee.